



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

XXXI. De sortilegis & auguribus.

**urn:nbn:de:hbz:466:1-14622**

*De sortilegis & auguribus..*

## CAP. XXXI.

Item in Concilio Agathensi de sortilegis vel augurium servantibus scriptum est: Ne de eo fortasse videatur omissum quod maximè fidem catholicæ religionis infestat, quòd aliquanti Clerici sive laici student auguriis, & sub nomine fictæ religionis, qua sanctorum sortes divinationis scientiam profitentur, aut quarumcumque scripturarum inspectione futura promittunt. Hoc quicumque Clericus vel laicus detectus fuerit vel consulere vel docere, ab Ecclesia habeatur extraneus.

Pœnit.  
Rhab.  
c. 23.

*De his qui fornicantur irrationabiliter.*

## CAP. XXXII.

Item in Concilio Ancyrano cap. xv. scriptum est de his qui irrationabiliter, id est, cum pecoribus & masculis fornicantur: De illis qui irrationabiliter versati sunt sive versantur, quotquot ante vigesimum ætatis annum tale crimen commiserint, xv. annos acta pœnitentia, communionem mereantur orationum. Deinde quinquennio in hac communione durantes, tunc demum oblationis sacramenta contingant. Discutiatur autem vita eorum, quales tempore pœnitentiae extiterint; & ita misericordiam consequantur. Quòd si inextinguibiliter his hæserint criminibus, ad agenda pœnitentiam prolixius tempus insument.

Pœnit. Rhab.  
c. 6.  
Regino lib. 2.  
c. 255.